



## ՇՈՒՂԱՆԻԿ ԿՈՆՐՈՒԻՆՅԱՆ

Լսո՞ւմ ես, ընկեր, հեռու խորքերից . . .

Լսո՞ւմ ես, ընկեր, հեռու խորքերից  
Կատաղի հողմի վայրագ խշխշոց .  
Տարերք են լալիս, շանթի որոտից  
Խուլ արձագանքով լսվում դղրդոց:

Այնտեղ կովում են գոյության համար  
Երկիրն ու ջուրը դեմ առ դեմ կանգնած՝  
Կատաղի հողմը թափով սանձահար  
Մահահոտ շնչով նրանց է խառնած:

Այնտեղ լեռները լերկ, կոշտ կրծքերով,  
Կախվել են անսաս ձորի եզերքին,  
Խեղդել են ուզում անգուսպ տենչանքով  
Կուրծքերը քերող հուժկու հոսանքին:

Գոռում է ալին, զայրույթով ընթաստ,  
Ճերմակ փրփուրը դենքին կատաղած .  
Մև հսկաներին որպես չնչին ոստ  
Կուզե տապալել, փշրել անկասկած:

Սակայն լեռները անհողդողդ սրտով  
Խեղդում են, փշրում հրե բլուրներ,  
Ու խրած հողում, հոգով անխռով

Նայում կատաղած ջրին անտարբեր:

Լսո՞ւմ ես, ընկեր, հողմը մերձ ի մահ

Ուժասպառ պարտված . . .

Հեղեղը իջավ . էլ կռիվ չկա,

Ժայռերի կրծքին արևն է շողում:

Եվ ալիքները թաղման հանդեսի

Տխուր երգելով հոսում են առաջ .

Նրանց ջինջ կրծքին բռնակալ ուժի

Գիակն է ընկած՝ կուրծքը պատռված:

1906